

ЎЗБЕКИСТОН РЕСПУБЛИКАСИ
ВАЗИРЛАР МАҲКАМАСИ ХУЗУРИДАГИ ДАВЛАТ
ТЕСТ МАРКАЗИ ДИРЕКТОРИНИНГ
БУЙРУҒИ

430 Ўзбекистон Республикаси олий таълим муассасаларининг бакалавриатига талабаларни қабул қилишда тест синовларини ўтказиш тартиби тўғрисидаги низомга ўзгартириш ва қўшимчалар киритиш ҳақида

Ўзбекистон Республикаси Адлия вазирлиги томонидан 2014 йил 15 августда рўйхатдан ўтказилди, рўйхат рақами 2242-1

Вазирлар Маҳкамасининг 2010 йил 18 июндаги 118-сон қарори билан тасдиқланган Олий таълим муассасаларининг бакалавриатига талабаларни қабул қилиш тартиби тўғрисидаги низомнинг 3-бандига асосан **буюраман:**

1. Ўзбекистон Республикаси Вазирлар Маҳкамаси ҳузуридаги Давлат тест маркази директорининг 2011 йил 6 июлдаги 01-222/1-сон буйруғи (рўйхат рақами 2242, 2011 йил 8 июль) (Ўзбекистон Республикаси қонун ҳужжатлари тўплами, 2011 й., 28-сон, 293-модда) билан тасдиқланган Ўзбекистон Республикаси олий таълим муассасаларининг бакалавриатига талабаларни қабул қилишда тест синовларини ўтказиш тартиби тўғрисидаги низомга иловага мувофиқ ўзгартириш ва қўшимчалар киритилсин.

2. Мазкур буйруқ расмий эълон қилинган кундан эътиборан кучга киради.

Директор

Ж. ИСМАИЛОВ

Тошкент ш.,
2014 йил 6 август,
01-264-сон

Ўзбекистон Республикаси
Вазирлар Маҳкамаси ҳузуридаги Давлат
тест маркази директорининг 2014 йил
6 августдаги 01-264-сон буйруғига
ИЛОВА

**Ўзбекистон Республикаси олий таълим муассасаларининг
бакалавриятига талабаларни қабул қилишда тест синовларини
ўтказиш тартиби тўғрисидаги низомга киритилаётган
ўзгартириш ва қўшимчалар**

1. 15-банддаги «уларни хатосиз тўлдиради» деган сўзлар «абитуриентларга тааллуқли маълумотларни принтерда хатосиз чоп этади» деган сўзлар билан алмаштирилсин.

2. 20-банд қуйидаги таҳрирда баён этилсин:

«20. Қабул комиссиялари ҳарбий қисм қўмондонлиги тавсияномасига эга бўлган абитуриентлар ҳақидаги маълумотларни таълим йўналиши, ўқув шакли ва тили, жавоблар варақаси рақами кўрсатилган ҳолда 1 август куни мазкур Низомнинг 5-илоvasи 4-шакли бўйича Давлат тест маркази орқали Ўзбекистон Республикаси таълим муассасаларига қабул қилиш бўйича Давлат комиссиясига кундузги ва махсус сиртқи бўлимлар учун тақдим этадилар.».

3. 49-банднинг еттинчи хатбошиси қуйидаги таҳрирда баён этилсин:

«аудиториялар тақсимотига мувофиқ тест синови якуни бўйича қайтариб келтирилган жавоблар варақалари бўйича тест синови натижаларини ҳисоблайди;».

4. 71-банднинг бешинчи хатбошиси қуйидаги таҳрирда баён этилсин:

«абитуриентнинг жавоблар варақаси рақамини титул варақасига кўчириб ёзганлигини тасдиқлаш мақсадида титул варақасининг махсус жойига имзо қўяди.».

5. 86-банднинг биринчи хатбошиси қуйидаги мазмундаги жумла билан тўлдирилсин:

«Математика (информатика билан)» фанидан тест саволлари «Математика» фани бўйича биринчи 30 та савол, «Информатика ва ахборот технологиялари» фани бўйича охириги 6 та саволдан иборат бўлади.».

6. 88-банднинг иккинчи хатбошиси қуйидаги таҳрирда баён этилсин:

«Тест синовлари ўтказиладиган бинога киришда абитуриент микрокалькулятор, луғат, жадвал, китоб, уяли телефон, компьютер, телекоммуникация воситалари ва шпаргалкалар олиб киришга ҳаракат қилса ёки олиб кирган бўлса, тест синовлари давомида тест материалларини бошқа абитуриентга узатса ёки ёрдам берса, тест синови учун ажратилган вақт тугаганидан кейин тест материалларини топширишдан бош тортса, тест материалларини аудиториядан ташқарига чиқарса, саволлар китоби варағини йиртса абитуриент тест синовларини ўтказиш тартибини бузган ҳисобланади ва Давлат тест маркази вакили ёки аудитория раҳбари ва кузатувчилари томонидан мазкур

Низомнинг 20-иловасига мувофиқ шаклда далолатнома тузилиб, абитуриент тест жараёнидан четлаштирилади.».

7. III боб куйидаги тахрирда баён этилсин:

**«III боб. Тест синовлари натижаси бўйича берилган
апелляция шикоятларини кўриб чиқиш**

92. Тест синовлари натижасидан норози бўлган абитуриент тест синовлари натижаси эълон қилинган кундан бошлаб ўн беш кун давомида Ўзбекистон Республикаси таълим муассасаларига қабул қилиш бўйича Давлат комиссияси томонидан тасдиқланган апелляция комиссиясига мазкур Низомнинг 22-иловасига мувофиқ шаклда ёзма тартибда апелляция шикояти бериш ҳуқуқига эга. Апелляция шикояти қабул қилинганлиги тўғрисида абитуриентга мазкур Низомнинг 22-иловасига мувофиқ хабарнома берилади.

Апелляция шикоятига абитуриент рухсатномасининг нусхаси илова қилинади.

93. Апелляция комиссияси таркибидаги экспертлардан фанлар бўйича экспертлар гуруҳи шакллантирилади.

Апелляция комиссияси апелляция шикоятини кўриб чиқиш жараёнида қабул комиссияси аъзоларини, Давлат тест маркази вакилларини ҳамда аудитория раҳбари ва кузатувчиларини уларга тегишли масалалар бўйича жалб қилишга ҳақли.

94. Апелляция шикоятини берган абитуриент хабарномада белгиланган кунда ўзининг паспорти ва абитуриент рухсатномаси билан келиши шарт.

95. Апелляция шикояти кўрилаётган абитуриентга унинг жавоблар варақаси нусхаси, тест синовида йўл қўйган нотўғри жавоблари рўйхати ҳамда тестда тушган саволлар китоби берилади. Такдим этилган ҳужжатлар асосида абитуриент ўзининг ҳар бир нотўғри чиққан саволига жавобларини ёзма равишда баён қилади ва қабул қилиб олган барча тест материаллари билан бирга апелляция комиссиясига такдим этади.

96. Апелляция шикояти апелляция комиссияси томонидан абитуриент иштирокида, унинг ёзма жавоблари асосида кўриб чиқилади. Абитуриентнинг ёзма жавоблари ўз тасдиғини топмаган бўлса, апелляция комиссияси тест синовлари натижаларини ўзгаришсиз қолдириш ва апелляция шикоятини қаноатлантиришни рад этиш тўғрисида қарор қабул қилиши мумкин.

97. Абитуриент томонидан жавоблар варақаси, саволлар китоби ёки титул варақаси ушбу Низомда белгиланган тартибда тўлдирилмаган, шунингдек тест синовидан четлаштирилган ёки ўзининг жавобларини ёзма равишда баён қилмаган абитуриентнинг апелляция шикояти кўриб чиқилмайди.

98. Апелляция шикояти кўрилаётган аудиторияга абитуриент уяли телефон, компьютер, телекоммуникация воситалари ва шпаргалкалар (луғат, жадваллар бундан мустасно) олиб киришга ҳаракат қилса ёки олиб кирса, апелляция жараёнида тест материалларини бошқа абитуриентга узатса, абитуриентларга ёрдам берса ёки ёрдам олса, аудиторияга ҳалақит берса, савол-

лар китоби варағини йиртса, абитуриент апелляция шикоятини кўриб чиқиш тартибини бузган ҳисобланади ва апелляция комиссияси аъзолари томонидан далолатнома тузилиб, апелляция жараёнидан четлаштирилади ва унинг эътирози қайта кўриб чиқилмайди.

99. Апелляция комиссияси қарори бўйича маълумот Ўзбекистон Республикаси таълим муассасаларига қабул қилиш бўйича Давлат комиссиясига апелляция жараёни тўлиқ тугагандан сўнг 5 иш куни ичида тақдим этади.

100. Апелляция комиссиясининг апелляция шикоятини кўриб чиқиш натижалари бўйича қабул қилган қарори юзасидан қонун ҳужжатларида белгиланган тартибда судга шикоят қилиш мумкин.».

8. 18-иловада:

саккизинчи хатбоши қуйидаги мазмундаги жумла билан тўлдирилсин: «Математика (информатика билан)» фанидан тест саволлари «Математика» фани бўйича биринчи 30 та савол, «Информатика ва ахборот технологиялари» фани бўйича охирги 6 та саволдан иборат бўлади.»;

ўн тўртинчи хатбоши қуйидаги таҳрирда баён этилсин:

«Тест синовлари ўтказиладиган бинога киришда абитуриент микрокалькулятор, луғат, жадвал, китоб, уяли телефон, компьютер, телекоммуникация воситалари ва шпаргалкалар олиб кирган бўлса, тест синовлари давомида тест материалларини бошқа абитуриентга узатса ёки ёрдам берса, тест синови учун ажратилган вақт тугагандан кейин тест материалларини топширишдан бош тортса, тест материалларини аудиториядан ташқарига чиқарса, саволлар китоби варағини йиртса абитуриент тест синовларини ўтказиш тартибини бузган ҳисобланади ва Давлат тест маркази вакили ёки аудитория раҳбари ва кузатувчилари томонидан далолатнома тузилиб, абитуриент тест жараёнидан четлаштирилади.».

9. 17-илова мазкур ўзгартириш ва қўшимчаларнинг иловасига мувофиқ таҳрирда баён этилсин.

10. Мазкур ўзгартириш ва қўшимчалар Ўзбекистон Республикаси Олий ва ўрта махсус таълим вазирлиги, Халқ таълими вазирлиги, Соғлиқни сақлаш вазирлиги, Маданият ва спорт ишлари вазирлиги, Қишлоқ ва сув хўжалиги вазирлиги, Ўзбекистон алоқа, ахборотлаштириш ва телекоммуникация технологиялари давлат қўмитаси, Ўзбекистон Бадий академияси, «Ўзбекистон темир йўллари» ДАТК, Давлат солиқ қўмитаси, Ташқи ишлар вазирлиги ва «Навоий кон-металлургия комбинати» ДК билан келишилган.

**Олий ва ўрта махсус
таълим вазири**

А. ВАХОБОВ

2014 йил 4 август

Халқ таълими вазири

У. ИНОЯТОВ

2014 йил 4 август

Соғлиқни сақлаш вазири

А. АЛИМОВ

2014 йил 4 август

**Маданият ва спорт
ишлари вазири**

М. ХАДЖИМАТОВ

2014 йил 4 август

**Қишлоқ ва сув
хўжалиги вазири**

Ш. ТЕШАЕВ

2014 йил 4 август

**Алоқа, ахборотлаштириш ва
телекоммуникация технологиялари
давлат қўмитаси раиси**

Х. МИРЗАХИДОВ

2014 йил 4 август

**Ўзбекистон Бадий
академияси раиси**

А. НУРИДИНОВ

2014 йил 4 август

**«Ўзбекистон темир йўллари»
ДАТК раиси**

А. РАМАТОВ

2014 йил 4 август

**Давлат солиқ
қўмитаси раиси**

Б. ПАРПИЕВ

2014 йил 4 август

Ташқи ишлар вазири

А. КАМИЛОВ

2014 йил 4 август

**«Навоий кон-металлургия
комбинати» ДК бош директори**

Қ. САНАҚУЛОВ

2014 йил 4 август

Ўзбекистон Республикаси олий таълим
муассасаларининг бакалавриятига талабалар-
ни қабул қилишда тест синовларини ўтказиш
тартиби тўғрисидаги низомга киритилаётган
ўзгартириш ва қўшимчаларга
ИЛОВА

«Ўзбекистон Республикаси олий таълим
муассасаларининг бакалавриятига талабалар-
ни қабул қилишда тест синовларини ўтказиш
тартиби тўғрисидаги низомга
17-ИЛОВА

Жавоблар варақаси (олд томони)

DTM
Davlat Test Markazi

JAVOBLAR VARAQASI

Diqqat! Javoblar varaqangizni boshqa abituriyentlarga ko'rsatmang!
Внимание! Не показывайте Ваш лист ответов другим абитуриентам!

Abituriyentlar diqqatiga!

1. Javoblar varaqani toldirishda faqat ko'k (to'q havorang) pastali sharikli ruchkadan foydalaning.
2. Javoblar varaqasi raqami (3-punkt) bilan savollar kitobi raqami mosligini tekshiring.
3. Javoblar varaqasi raqamini 3-punktдан titl varag'ingizdagi va ruxsatnomangizdagi mos kataklarga ko'chirib yozing.
4. O'zingiz haqingizdagi ma'lumotlarni 1-punktga yozing va imzolang.
5. Maxsus ko'ringizni 2-punktning mos joylariga titl varaqangizdan ko'chiring va doirachalarni mos ravishda bo'yang.
6. Savollar kitobchasidagi test savollariga to'g'ri deb hisoblagan javoblaringizni javoblar varaqasining javoblar bloklaridagi doirachalarga mos ravishda belgilang. Chet tili bo'yicha test topshirayotgan abituriyentlar mos kelgan tilga tegishli doirachani bo'yashlari shart.
7. Har bir test savoliga faqat bitta javob belgilanganda to'g'ri belgilangan hisoblanadi. Agar bitta savolga ikki yoki undan ko'p javob belgilansa, ushbu savolga ball berilmaydi.
8. Javoblar varaqasidagi zaruriy ma'lumotlar xato to'ldirilgan yoki to'ldirilmagan hollarda e'tirozlar ko'rib chiqilmaydi.

Вниманию абитуриентов!

1. При заполнении листа ответов используйте шариковую ручку с синей пастой средней жирности.
2. Проверьте соответствие номера Вашего листа ответов (пункт 3) номеру книги вопросов.
3. Номер листа ответов из пункта 3 перепишите в соответствующие клетки Вашего титульного листа и пропуска.
4. В пункте 1 запишите свои данные и распишите.
5. В пункт 2 перепишите из титульного листа цифры и закрасьте соответствующие им кружки кода образовательного учреждения.
6. В блоке ответов отметьте Ваши ответы на задания из книги вопросов. Абитуриенты, проходящие тестирование по иностранному языку, должны закрасить кружок соответствующего языка.
7. Правильное заполнение предполагает только один ответ на каждый вопрос. Если на вопрос даны два и более ответов, то за этот вопрос балл не даётся.
8. В случае ошибочного заполнения либо незаполнения необходимых данных в листе ответов претензии не рассматриваются.

Belgilash uchun namuna/Образец закрашивания

To'g'ri/Правильно



Noto'g'ri/Неправильно



ЖАВОБЛАР ВАРАҚАСИ
(орқа томони)

[illegible]